



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16, 5/22 i 31/24) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08, 5/22 i 39/25), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2022. GODINU LABURISTIČKE STRANKE BOSNE I HERCEGOVINE

Broj: 03-07-6-520/23
Sarajevo, 26.12.2025. godine

S A D R Ź A J

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	8

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Laburističke stranke Bosne i Hercegovine za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2022. godinu, utvrđeno je da je Laburistička stranka Bosne i Hercegovine prekršila odredbe člana 4. stav (1), člana 11. stav (1) i člana 12. stav (1) i (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Laburističke stranke Bosne i Hercegovine za 2022. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2022. godinu, Laburistička stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	2.962,00	1,14
2.	Prilozi fizičkih lica (3-a)	43.061,00	16,53
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	214.553,51	82,34
8.	Prihodi od propagande (3-g)	0,00	0,00
I	Ukupni prihodi (1-8)	260.576,51	100,00
II	Ostali prihodi i drugo	1,98	0,00
	Izvori finansiranja (I+II)	260.578,49	100,00

U godišnjem finansijskom izvještaju za 2022. godinu stranka je iskazala rashode u ukupnom iznosu od 236.767,11 KM.

2. PREDSTAVLJANJE POLITIČKE STRANKE

Naziv političke stranke je Laburistička stranka Bosne i Hercegovine. Skraćeni naziv stranke je Laburisti BiH.

Laburistička stranka Bosne i Hercegovine je registrovana kod Općinskog suda u Bihaću, rješenjem broj: 017-0-RegPO-14-000001 od 14.01.2014. godine.

Sjedište političke stranke je u Velikoj Kladuši, Ibrahima Mržljaka 84.

Ovlašteno lice za zastupanje stranke je Elvira Abdić Jelenović, predsjednik stranke.

Ovlašteno lice za podnošenje finansijskih izvještaja za 2022. godinu je Armin Redžić.

Prema podacima iz godišnjeg finansijskog izvještaja za 2022. godinu, Laburistička stranka Bosne i Hercegovine ima sljedeću organizacionu strukturu:

- Centralni ured Laburističke stranke Bosne i Hercegovine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Laburističke stranke Bosne i Hercegovine za 2022. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih 2022. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je troškove izborne kampanje ostvarila u okviru zakonom utvrđenog limita.

Obim pregleda i kontrole finansijskog izvještaja Laburističke stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja Laburističke stranke Bosne i Hercegovine u periodu od 2014. do 2021. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2021. godinu, izdat je Izvještaj o pregledu sa mišljenjem revizora, nalazima i preporukama stranci da svake godine donosi precizan program utroška sredstva i da finansijska sredstva obezbijeđena za finansiranje političke stranke koristi u skladu sa programom utroška sredstava, a isključivo za ostvarivanje ciljeva utvrđenih programom i statutom, da poslovne knjige vodi u skladu sa računovodstvenim propisima, odnosno da uspostavi pravilne evidencije o rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da racionalnije troši finansijska sredstva stranke.

Nerealizovane preporuke:

Na osnovu uočenih nedostataka u godišnjem finansijskom izvještaju za 2022. godinu, utvrđeno je da politička stranka nije ispoštovala sve preporuke revizije.

5. NALAZI I PREPORUKE

5.1 NALAZI

a) Laburistička stranka Bosne i Hercegovine prekršila je odredbe člana 4. stav (1) Zakona o finansiranju političkih stranaka¹.

- (1) Uvidom u Program utroška sredstava za 2022. godinu koji je stranka dostavila, utvrđeno je da je stranka planirala troškove u ukupnom iznosu od 362.500,00 KM.

Prema podacima iz poslovnih knjiga, Laburistička stranka Bosne i Hercegovine je u toku 2022. godine ostvarila rashode u iznosu od 236.767,11 KM.

Analizom dostavljenog Programa utroška sredstava za 2022. godinu, utvrđeno je da je stranka troškove vode, troškove advokatskih usluga i sudskih troškova, troškove takse za prijavu za izbore, te troškove takse i novčanih kazni iskazala u većem iznosu od planiranih za 8.996,79 KM, kako slijedi: planirane troškove vode prekoračila je za 228,69 KM, troškove advokatskih

¹ U skladu sa odredbom iz člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog Zakona može koristiti isključivo za ostvarivanje ciljeva utvrđenih svojim programom i statutom.

usluga i sudskih troškova prekoračila je za 913,80 KM, troškove takse za prijavu za izbore prekoračila je za 4.000,00 KM, dok je troškove takse i novčanih kazni prekoračila za 3.854,30 KM.

- (2) Politička stranka je u godišnjem finansijskom izvještaju u okviru redovnih troškova iskazala troškove goriva i maziva u iznosu od 4.147,48 KM, dok je u okviru troškova organizacije i održavanja predizbornih skupova iskazala račune za isporuke goriva u ukupnom iznosu od 552,00 KM.

Prema podacima iz poslovnih knjiga, politička stranka nema vozilo u svom vlasništvu, dok je imala zaključen ugovor o zakupu motornog vozila sa fizičkim licem H. B. na period od 30.01.2022. do 02.02.2022. godine i zaključen ugovor o najmu putničkih vozila sa fizičkim licem Š. D. na period od 30 dana od dana potpisivanja ugovora 26.08.2022. godine.

Imajući u vidu da su stranci fakturisane isporuke goriva i u periodu kada nije imala potpisan ugovor o zakupu motornih vozila u ukupnom iznosu od 3.273,53 KM, te da na računima dobavljača JKUP „Komunalije“ d.o.o. Velika Kladuša i „Sestre“ d.o.o. Velika Kladuša za isporučeno gorivo nedostaju podaci o vozilu u koje je točeno gorivo, nije moglo biti utvrđeno da li su navedena finansijska sredstva korištena isključivo u svrhu obavljanja djelatnosti političke stranke.

S obzirom da je Laburistička stranka Bosne i Hercegovine finansijska sredstva u iznosu od 8.996,79 KM utrošila mimo utvrđenog Programa utroška sredstava za 2022. godinu, te da je vršila isplate sredstava za koje nije moguće utvrditi u koju svrhu su ista utrošena, prekršila je odredbe člana 4. stav (1) Zakona o finansiranju političkih stranaka.

b) Laburistička stranka Bosne i Hercegovine je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja, utvrđeno je da Laburistička stranka Bosne i Hercegovine nije vodila poslovne knjige u skladu sa računovodstvenim propisima, nije uspostavila pravilne evidenciju o svojim rashodima i obrasce godišnjeg finansijskog izvještaja za 2022. godinu nije popunila u skladu sa Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

- (1) Laburistička stranka Bosne i Hercegovine nije u godišnjem finansijskom izvještaju iskazala sve organizacione dijelove političke stranke, čime je prekršila odredbe člana 10. Pravilnika.

Na obrascu 1.1 (Opći podaci o političkoj stranci-teritorijalna organizacija političke stranke) godišnjeg finansijskog izvještaja stranka je navela da ima samo Centralni ured u Velikoj Kladuši.

Kontrolom ugovora o zakupu poslovnih prostora, utvrđeno je da je Laburistička stranka Bosne i Hercegovine tokom 2022. godine osim u Velikoj Kladuši, imala zakupljen poslovni prostor i u Cazinu, što potvrđuje činjenicu da je stranka imala i niže organizacione dijelove.

- (2) Laburistička stranka Bosne i Hercegovine nije uspostavila tačne evidencije o rashodima, te ih nije pravilno iskazala u godišnjem finansijskom izvještaju, čime je prekršila odredbe člana 21. i 22. Pravilnika. Takođe, stranka je sve troškove u godišnjem finansijskom izvještaju iskazala kao troškove Centralnog ureda, čime je prekršila i odredbe člana 7. stav (2) Pravilnika.

- Politička stranka je sve troškove u godišnjem finansijskom izvještaju prijavila kao troškove Centralnog ureda stranke u Velikoj Kladuši, iako je uvidom u ugovore o zakupu utvrđeno da ima organizacioni dio i u Cazinu.
- U godišnjem finansijskom izvještaju stranka je iskazala troškove zakupa poslovnih prostora u ukupnom iznosu od 17.300,00 KM. Uvidom u ugovore o zakupu poslovnih prostora utvrđeno je da su troškovi zakupa iznosili 17.000,00 KM, dok je uvidom u račune dobavljača JKUP „Komunalije“ d.o.o. Velika Kladuša broj: 2844 od 31.05.2022. godine u iznosu od 150,00 KM i broj: 3427 od 30.06.2022. godine u iznosu 150,00 KM utvrđeno da se pomenuti

troškovi odnose se na zakup Gradske sportske dvorane u Velikoj Kladuši. Politička stranka je u skladu sa odredbama člana 22. Pravilnika bila obavezna zakup sale iskazati kao trošak ostalih zakupnina.

- Uvidom u ugovore o djelu koje je stranka evidentirala na kontu 402005 i iskazala u godišnjem finansijskom izvještaju, utvrđeno je da je stranka umjetniku-slikaru A. F.-T. izvršila isplatu sredstava u iznosu od 350,00 KM na ime izrade umjetničkih slika i suvenira. U poslovnim knjigama nije evidentirana nabavka umjetničke slike niti suvenira, niti je stranka dostavila dokumentaciju iz koje bi se utvrdilo da je usluga izvršena.

- (3) U skladu sa odredbama iz člana 6. Pravilnika o godišnjim finansijskim izvještajima političkih stranaka, politička stranka je dužna svakom fizičkom i pravnom licu od kojeg je primila članarinu ili prilog izdati potvrdu u kojoj su sadržani sljedeći podaci: naziv političke stranke, serijski broj potvrde, ukupan iznos članarine/priloga, ime i prezime/naziv donatora, broj ličnog dokumenta/identifikacioni broj donatora, adresa i mjesto prebivališta/sjedišta donatora, datum uplate, datum izdavanja potvrde i potpis ovlaštenog lica.

Uvidom u potvrde o primljenim priložima koje su izdate fizičkim licima, a koje je dostavila politička stranka, utvrđeno je da potvrde umjesto broja ličnog dokumenta sadrže jedinstveni matični broj ili datum rođenja fizičkog lica, što nije u skladu sa odredbama člana 6. Pravilnika.

- (4) Uvidom u finansijsku dokumentaciju političke stranke utvrđeni su nedostaci kod dijela računa dobavljača, koji su knjigovodstvene isprave o nastalim poslovnim događajima.

- Na računima dobavljača za gorivo JKUP „Komunalije“ d.o.o. Velika Kladuša i „Sestre“ d.o.o. Velika Kladuša koje je stranka dostavila u dodatnoj dokumentaciji, utvrđeno je da na računima nedostaju podaci o vozilu u koje je točeno gorivo, te da dio računa nije ovjeren potpisom i pečatom primaoca.
- Uvidom u račune pravnih lica JP „Radio televizija Velika Kladuša“ d.o.o. Velika Kladuša, broj: 00410 od 27.09.2022. godine u iznosu od 219,99 KM i „NURRAH“ d.o.o. Velika Kladuša, broj: 118-3044 od 29.09.2022. godine u iznosu od 753,00 KM utvrđeno je da računi nisu potpisani od strane korisnika usluga, niti je na drugi način politička stranka potvrdila da je usluga izvršena.
- Uvidom u račun dobavljača Restoran „ŠAMPION“ Velika Kladuša, broj: 000005 od 19.10.2022. godine u iznosu od 999,00 KM utvrđeno je da je na računu u opisu usluge, kao vrsta izvršene usluge, navedena konzumacija hrane i pića na političkom skupu, bez specifikacije koja bi sadržavala vrstu i količinu hrane i pića.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM po biraču u svakom izbornom krugu, prema broju birača koje je objavila Centralna izborna komisija BiH².

Prema podacima Centralne izborne komisije BiH, Laburistička stranka Bosne i Hercegovine je u svrhu izborne kampanje mogla da potroši sredstva u iznosu od 227.599,20 KM.

Laburistička stranka Bosne i Hercegovine je u obrascu 4.2 godišnjeg finansijskog izvještaja za 2022. godinu iskazala troškove izborne kampanje u iznosu od 55.068,90 KM.

² Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika općine odnosno gradonačelnika i za članove skupštine općine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2 PREPORUKE

Preporučuje se Laburističkoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje političke stranke koristi u skladu utvrđenim programom utroška sredstava,*
- *da poslovne knjige vodi u skladu sa računovodstvenim propisima, odnosno da uspostavi pravilne evidencije o rashodima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da sadržaj potvrde o primljenim prilogima uskladi sa odredbom člana 6. Pravilnika o godišnjim finansijskim izvještajima političkih stranaka.*

KOMENTAR:

Laburistička stranka Bosne i Hercegovine se očitovala na Preliminarni izvještaj o pregledu godišnjeg finansijskog izvještaja za 2022. godinu, aktom broj: 015/2025 od 04.08.2025. godine.

Stranka je uz očitovanje dostavila Program utroška sredstava za 2022. godinu, koji je Centralnoj izbornoj komisiji BiH dostavljen i ranije, na osnovu kojeg je utvrđeno kršenje odredbi člana 4. stav (1) Zakona o finansiranju političkih stranaka. Takođe, stranka je dostavila i Odluku u izvršavanju Programa utroška sredstava za 2022. godinu, te odredbe iz Statuta Laburističke stranke Bosne i Hercegovine, vezane za finansijsko poslovanje i korištenje sredstava političke stranke, koji nisu uticali na nalaze revizije.

Služba za reviziju je uvažila sve argumentovane primjedbe stranke i u skladu s time korigovala nalaze revizije iz Preliminarnog izvještaja.

Šef Odsjeka za revizijske poslove

Sanja Tošović

Šef Odsjeka za predrevizijske i administrativne poslove

Rijad Selmanović

Pomoćnik revizora

Dragomir Elez